



古逸叢書

光緒十年甲申  
遵義黎氏刊于  
日本東京使署

古  
書



樂而  
和命  
六

刻古逸叢書序

予使日本之明年得古書若干種謀次第播  
行屬楊君星吾任校刻惟夫古籍之僅存兵  
燹齋蠹之無常其勢不日麤散亡不止學士  
大夫雖病之而無術以免惟好之而即求求之  
而即傳差足救散於後予非苟為其難也古  
書之流遺何幸復見於異邦而自予得之且  
以付刊焉予亦不自知所以然庸詎知非天之  
有意斯文而啟予贊其始也予患不學久矣  
今天假此使事歲月得從事讀書不可謂

敘目

一

非厚幸子曰好古敏以求之請自茲始書成將敘  
其版運致之官局以與學者共之雖然卷帙之  
重而課成於再暮校讐之繁而委積於一人  
或不免抵牾滋多而謬陋如予又不能精勘其  
誤失使讀者快焉其力僅足存此書而已古  
書之不亡古人之精神自寄之豈予所能增  
重而獨至蒐輯之責似若有默以異予者  
固不敢不勉也書凡二百卷分十六種刻隨所  
獲概還其真無復倫次經始於壬午告成  
於甲申以其多古本逸編遂命之曰古逸叢

天津市人民圖書館

藏書圖記

88617

248196

書而別條敘目如左光緒十年歲在甲申七月  
遵義黎庶昌序

敘目

影宋蜀大字本爾雅三卷

此書未有將仕郎守國子四門博士臣李  
鶚書一行為蜀本真面目最可貴宋諱闕  
慎字其為孝宗浚播刻無疑日本再播之  
今又從再播本影雕展轉撫摹僅存郭廓  
而已按浚唐平蜀明宗命太學博士李鶚  
書五經刊板國子監中見王明清揮麈餘  
錄爾雅在五經外豈明清家有五經僅舉  
見本而言與鶚不同據此可以訂誤

敘目

二

影宋紹熙本穀梁傳十二卷

此與揚州汪氏問禮堂鐫刻公羊傳同為  
建安余氏家塾本二書均題紹熙辛亥孟  
冬朔日建安余仁仲敬書而此本第十二  
卷末有國學進士余仁仲校正國學進士  
劉子庾同校國學進士陳幾同校國學進  
士張甫同校奉議郎簽書武安軍節度  
判官廳公事陳應行參校五銜余氏萬卷

堂藏書記又題癸丑仲秋重校訖則穀梁  
之成當凌公羊二歲矣此本櫛刻俱精有  
取蓋勝藍之妙附校札

覆正本論語集解十卷

此書根源隋唐舊鈔字句與今行本異  
同甚夥往往合於陸氏釋文字畫亦奇古  
卷末題塚浦道祐居士重新命工鏤梓  
正平甲辰五月吉日謹誌正平甲辰當元  
順帝至正二十四年其云重新鏤梓則以  
前有刻本可知然時代無攷矣道祐錢遵

敘目

三

王讀書敏求記及日本別刻題學古神德  
楷法日下逸人貫書者均作道祐予謂當  
從此本作祐是又有津藩有造館本論  
語集解亦出舊鈔異同處尤為近古皆卷  
子真面目也天保中有縮刻本

覆元至正本易程傳六卷繫辭精義二卷

程子易傳東都事略直齋書錄解題載  
六卷者是為原本錢遵王猶及見之後世  
通行本併作四卷六失程氏舊第近金  
陵局刻依董氏真卿周易會通區作六

卷實則未見原書此本雖元時坊刻然宗諱如貞恒桓慎敦等字多缺筆則元諸宋板也所有異同即附於逐行字句下是東萊呂氏參定之遺尤為難得原書無呂跋今從會通中錄出補刊於後繫辭精義二卷董真卿云東萊集周子二程子張子諸家經說語錄及二程子門人共四家之說以補之然則館閣書目以為託名者誤也惟卷首諸圖為坊賈增入覆舊鈔卷子本唐開元御注孝經一卷

敘目

四

孝經註疏序云明皇於先儒註中採摭菁英芟去煩亂撮其義理允當者用為註解至天寶二年註成頒行天下仍自八分御札勒於石碑即今京兆石臺孝經是也自石臺行而世幾不知有開元十年之註其實石臺即用開元本略加脩改而已此本元行沖序完然獨存惜未錄疏然於三才章格外注云疏中廣要道章注云疏下猶可見元氏分卷之遺經義攷引崇文總目云孝經正義三卷邢昺撰初世

傳元行沖疏外餘家尚多皆根俗褊陋不  
逆行遠咸平中萬等奉詔據元氏本而增  
損為與文獻通攷所引未白集諸儒之說  
異陳詩庭云叔明僅據行沖疏為本未嘗  
參採諸儒故今本猶止題邢昺校嘗以朱  
錫堂所引為正

集唐字老子注二卷

日本有摹刻張參五經文字唐玄度九經  
字樣甚精與石本無異又有南總地名宇惠

攷訂冕以道本王輔嗣老子道德經注今

敘目

五

合以局刻華亭張氏本集張唐二家經字  
為之

影宋台州本荀子二十卷

朱子按唐仲友為一重大公案其第四狀

云仲友以官錢開荀揚文中子韓文四

書貼黃云仲友所印四子曾送一本與臣

臣不合收受已行估計價值還納本州軍

資庫訖此即四種之一卷未有劉向敘目

題荀卿新書十二卷三十二篇又有王子韶

同校呂夏卿童校銜名熙寧元年國子監

劉子及校勘官十五人銜名又有仲友後序  
蓋淳熙八年鑄雕熙寧官本板心所顯姓  
名即第六狀云將輝供共王定等一十  
八人在局開雕者是仲友雖為朱子所  
劾而此書校刻實精錢遵王稱為字大  
悅目信然

影宋本莊子注疏十卷

南宋槧本每卷首題南華真經注疏卷第  
幾次題莊子某篇某名第幾郭象注次題  
唐西華法師成玄英疏分為十卷與宋藝

微目

六

文志同又於每卷內題某篇某名第幾郭  
象注以還子玄之舊故分言之則為三十  
三卷合言之則十卷也惟唐藝文志作注  
莊子三十卷疏十二卷四庫未收書目依  
道藏本鈔作三十五卷敏求記又作二十  
卷均未知如何離析此本為日本新見旂  
山所藏字大如錢作蝴蝶裝僅存十分之五  
予見而悅之以金幣為請新見氏重是  
先代手澤不欲售願做以西法影照上木  
而留其真予又別於肆中收得養生主一



卷德充符數葉為新見氏所無并舉而歸  
之然尚闕應帝王以迄至樂因取坊刻本  
成疏校訂繕補而別集他卷字當之不足  
者命工仿寫蓋極鉤心鬪角之苦矣天下  
至大該異日宋本復出取以與此數卷相  
校字體多不類讀者當推原其故也成  
疏稱意而談有郭象注解之曲暢而不踳  
其玄虛有林希逸口義之顯明而不至流  
於鄙俚且世傳老子西出流沙莫知所終  
疏以為道之屬實尚存唐以前舊聞如

敘目

七

此類甚可喜也子書善本傳世日少世德  
堂六子久為眾所稱貴讀此老莊荀三書  
當更快然意滿也

覆元本楚辭集注八卷辨證二卷後語六卷

朱子注楚辭時年已七十識解在詩集傳  
之上世行本雖多往往闕辨證後語此獨  
完整中間宋諱多缺筆亦元緡宋刻與程  
氏易傳同作讀本最善

影宋蜀大字本尚書釋音一卷

武昌張廉卿所藏咸豐初年吳縣潘宅侯

手摹與士禮居蜀大字本孝經論語行款  
同密侯詒為黃堯圃顧千里諸人所未見  
不誣也

影舊鈔卷子原本玉篇零本三卷半

此真顧黃門原帙逸千三百年而幸存注  
文之詳莫翅溢出大廣益會本十倍雖僅  
僅十分之一足可視為瑰寶予別有跋篇  
中放部卷末有馬道二字馬道在大和國  
奈良興福寺旁古有學校當是出於此學  
所藏也單行本已出日本紙幣局長得能

敘目

良介始從高山寺搜獲帛部卷首至璩字  
半卷摹刻以印本見詒因另刊補完故一  
卷中有兩次第闕之柏木探古云西京某  
氏尚存一卷在此刻之外但未知何部無  
從羅致耳

覆宋本重修廣韻五卷

此即張氏士俊澤存堂所出之本宋諱闕  
至桓字則徽宗時棄也日本町田久成所  
藏亦倣用西法影照付刻張氏雖名影宋  
而據玉篇集韻改字頗多顧千里曾以無

蘇書札記為憾又行款部位間有移易字畫  
俱一一排勻故明秀異常而遜其一種  
樸拙之氣今用張刻枝其異同別為札  
記附後

覆元泰定本廣韻五卷

此即四庫提要所謂原本廣韻注文簡  
當者也予以大中祥符重脩本比勘其視  
此書加詳者實祇姓氏地理兩門提要識  
其冗漫亦良有以自重修本盛行此本傳  
世日希以顧亭林之博洽僅得見明內府

欽目

九

中涓本況泰定時稟耶第不知提要所謂  
元初刻版又是何本也卷中匡朗等字時  
有闕筆其為出自宋板無疑惟俗體頗多  
譌舛亦衆今擇其顯然太甚者正之餘悉  
仍舊予見楊若星吾所藏明永樂甲辰  
廣成書堂宣德年間清江書堂兩次鐫  
刻即此泰定本注文遞有刊落別有元至  
順庚午刻本刪節尤多然則此本益重可  
貴矣

覆舊鈔卷子本玉燭寶典十一卷

隋著作郎杜臺卿少山撰原十二卷今缺第  
九卷其書用小戴記月令為主博引經典  
集證之較周書月令解呂覽四時紀淮南  
時則訓加詳此為專書故也開皇中奏上  
號為詳洽陳直齋書錄解題猶載之其  
亡當在宋以後耳

影舊鈔卷子本文館詞林十三卷半

文館詞林有二本一為高宗顯慶三年原  
修一千卷一為武后垂拱二年采詞涉規  
誠以賜新羅國王者五十卷此則一千卷本

敘目

十

也今於林述齋佚存叢書外收得者第  
一百五十六卷詩一百五十七卷詩一百五十八

卷詩三百四十七卷頌四百五十二卷碑四百

五十三卷碑四百五十七卷碑四百五十九卷碑

六百六十五卷詔六百六十六卷詔六百六

十七卷詔六百七十卷詔六百九十一卷敕六

百九十九卷敕東土僅存之本獲已過半  
其中亦有藻書文選所載不盡逸文也

字分大小兩種當以類從未獲者附存目

錄於後

影舊鈔卷子本瑀玉集二卷

通志藝文略作二十卷入類書日本見在

書目作十五卷入雜傳此僅存兩卷其體

例每類以二字名篇先撮所引人物為耦

語冠首再列故事書名於後略似小傳實

小說家言書法頗勁疑遺唐學生之所

為末題用紙若干張天平十九年歲在丁

亥

玄宗天  
寶六載

某月可攷見唐時卷子本舊式

惟論字頭多是必傳鈔之誤原纂不如是

也

敘目

十一

影北宋本姓解三卷

雁門郗思纂首有序題大宋景祐二年

上祀圖丘浚五日其書以偏旁分部始人

終暢凡一百七十部為姓氏譜別裁原纂甚

精頗類唐石經北宋本之極佳者向山黃

村所藏

覆永祿本韻鏡一卷

三山張麟之撰有紹興辛巳嘉泰三年兩

序其說本之鄭樵以為及切之要莫妙於

此不出四十三轉而天下無遺音矣序末

有慶元丁巳重刊圖記亦宋板也日本享

祿戊子

明嘉靖七年

清原朝臣宣賢鐫刻之至

永祿七年

嘉靖四十三年

又以張氏的本重校

影舊鈔卷子本日本見在書目一卷

此記從唐代齋來日本之書皆卷子本也

原鈔出自大和國室生寺謠字甚多國人

曾刻入羣書類從中點畫與此卷同題云

七八百年前之物蟲蝕數字餘亦多可疑

者然一從原文不敢妄改疑以傳疑之義

也又有近人飲肥安并衛書後云右書目

敘目

十二

中所收為部千五百七十九為卷一萬六千

七百九十分為四十家七緯不著卷數又據

頭銜蓋寬平

始唐昭宗龍紀元年說乾甯四年

佐世在

奧所輯距今九百六十餘年按史先是貞

觀乙未

唐僖宗乾符二年

冷泉院火圖書蕩然蓋

此目所因而作所以有見在之稱也據此則

唐以前之書卷帙分明原委具在初無所

謂古文逸書好古者當亦灼然知歐陽公

百篇尚存之說其為寓言無疑矣

影宋本史略六卷

宋高似孫續古修似孫有經史子緯騷五  
卷略子略緯略四庫已著錄騷略見存目  
騷略此史略其佚者也序云依劉向七錄法各  
錄其彙其書而品其指意始寶慶元年十月  
十日畢十一月七日未及一月而書成蓋略採  
衆家評騭之言以明史之綱領而已

影唐寫本漢書食貨志一卷

此食貨志之上卷民世治三字皆缺筆字  
體秀勁當為李唐人書無疑柱歲獨山莫  
子德友芝徵君得唐寫本說文木部六紙  
驚為奇寶撰箋異一卷予為手摹以行典  
此可稱兩絕

仿唐石經體寫本急就篇一卷

凡三十四章日本天保八年道光十一年小島知  
足所書字體摹唐石經工楷雅致作初學  
讀本最善

覆麻沙本草堂詩箋四十卷外集一卷補遺十  
卷傳序碑銘一卷目錄二卷年譜二卷詩話二  
卷

此書前四十一卷宋麻沙本補遺十卷朝鮮

繡刻本卷中惟題杜工部草堂詩箋卷  
第幾及嘉興魯訔編次建安蔡夢弼會  
箋者為是餘或稱黃氏或稱集諸家注  
或云杜工部詩史補遺或題臨川黃鶴集  
注建安蔡夢弼校正或單加集注增修等  
皆坊賈妄為奪文謚字不可勝糾蔡箋繁  
而寡要適如錢蒙叟杜注敘例所識可取  
者編年本獨此耳攷陳景雲注絳雲樓書  
目宋板草堂詩箋云草堂詩有高麗刻本  
如水筒詩何倣將軍蓋之句蓋高麗本作

敘目

十四

佩注引李貳師拔刀刺泉事錢受之謂較  
蓋字為穩宜從之其為善本可知似未窺  
見全體惟翁覃溪復初齋集有二跋論最  
允當今採附卷末當四庫開館時覃溪  
為纂修官此箋未經著錄僅收詩話一  
卷想其獲睹全書在提要告成後也

景舊鈔卷子本碣石調幽蘭一卷

陳禎明中會稽丘公明所著琴譜之第五  
卷也予非知音不敢是正以待世之能鑒  
希聲者



影舊鈔卷子本天台山記一卷

唐道士徐靈府撰見直齋書錄解題及通志略其書與瑠玉集皆小說家言以唐人著述日少仿四庫著錄桂林風土記例收之

影宋本太平寰宇記補闕五卷半

四庫著錄原缺自一百十三卷至一百十九卷此宋槧從日本祕閣借出亦殘闕不完幸存闕卷自一百十三至十七及十八之半卷因影照刻補而以太政大臣往來函件附敘目

十五

後以著同文佳話桂林陳蘭森補闕視此可廢矣

按日本所存中土逸書古本如唐釋慧琳一切經音義一百卷希麟續音義十卷此乃小學之匯歸佚文之淵藪有白蓮社刻本最為完整可據唐楊上善黃帝內經太素注原書三十卷今存二十一卷予獲有傳鈔本又曾借閱祕閣古寫卷子本春秋經傳集解三十卷其書出自隋唐舊鈔經傳字句異同極夥錄有校本又北宋本杜氏

通典二百卷卷末鈐大宋建中靖國元  
年大遼乾統元年高麗十四葉經筵藏  
書圖記稟刻甚精北宋本世說新語三  
卷南宋單疏本尚書正義二十卷興國  
軍本不附釋音春秋左氏傳三十卷南  
宋本集韻十卷胥官庫物又有楊君星  
吾所收猶刻宋蜀大字本任淵山谷詩  
注二十卷皆以卷帙繁重未能謀刻姑  
附記於此以餉好事君子庶昌又識

敘目

十六

通典二百卷卷末鈐大宋建中靖國元

年大遼乾統元年高麗十四葉經筵藏

書圖記稟刻甚精北宋本世說新語三

卷南宋單疏本尚書正義二十卷興國

軍本不附釋音春秋左氏傳三十卷南

宋本集韻十卷胥官庫物又有楊君星

吾所收猶刻宋蜀大字本任淵山谷詩

注二十卷皆以卷帙繁重未能謀刻姑

附記於此以餉好事君子庶昌又識



